


醫籍攷

卷六十七 六十八 六十九
方論四十五 四十六 四十七

武
2
34



武
2
34

九折堂山田
氏圖書之記

岡氏
杏庵

岡氏
杏庵

醫籍考卷六十七

東都 丹波元胤紹翁 編

方論四十五

亡名氏寒食散論

隋氏二卷

佚

寒食散湯方

七錄二十卷

佚

寒食散方

七錄二十卷

佚

曹氏歆解寒食散方

佚

冊府元龜曰魏東平王翕撰解寒食散方與皇甫謐所撰並行於世

皇甫氏謐曹歆論寒食散方

七錄二卷

佚

釋氏道洪寒食散對療

隋志一卷

佚

釋氏智斌解寒食散方

隋志二卷

佚

解散論

七錄二卷

佚

亡名氏解寒食散論

隋志二卷

佚

徐氏叔智解寒食散方

七錄六卷

佚

解散消息度度

七錄八卷

佚

解寒食散方

新唐志十三卷

佚

釋氏慧義寒食解雜論

七錄七卷

佚

亡名氏雜散方

隋志八卷

佚

解散方

七錄十二卷

佚

解散論

七錄十二卷

佚

范氏闕名解散方

七錄七卷

佚

亡名氏解慧義解散方

七錄一卷

佚

服石論

隋志一卷

佚

解散經論并增損寒食節度

隋志一卷

佚

宋氏尚太一護命石寒食散

隋志二卷

佚

亡名氏序服石方

隋志一卷

佚

寒食散方并消息節度

新唐志二卷

佚

醫籍考卷六十七

醫籍考卷六十八

東都丹波元胤紹翁編

方論四十六

陶氏闕名療目方

隋志五卷

佚

甘氏清之療耳眼方

隋志十四卷

佚

龍樹眼論

崇文總目一卷讀書後志作三卷

存

趙希弁曰右佛經龍樹大士者能治眼疾或假其說集治七十二種目病之方

按朝鮮國醫方類聚所輯龍樹菩薩眼論即是書也第堅錄出以為一卷跋曰世傳龍樹王菩薩能療眼疾故往往假託以神其書史志著錄亦頗為疑今如是書文辭雅古與外臺秘要謝道人論相出入而證治之法鍼鑱之術其精微非彼所及又有波斯之法與漢土用藥不同等語則或是隋唐間人傳錄夷法者矣白香山病

眼詩云案上謾鋪龍樹論盒中空燃決明丸蓋指是書也且觀其篇第亟蓋備具非出零殘之餘者宋志所謂龍樹眼論者亦是耳唯菩薩療眼未詳所出或曰玄奘西域記稱龍猛善閑醫藥隋志亦有龍樹菩薩藥方四卷而菩薩所撰大智度論辨五種眼疑後人湊合為言者余素暗內典未敢決也

龍木論

四卷

未見

劉昉曰此論莫所從出世言龍木王菩薩之書初初新書

秘傳眼科龍水總論

十卷

存

按是書方論與聖濟總錄幼幼新書所援相符而自第一卷至第六卷載七十二證方論每條攬以審的歌第七卷係宋人諸家名方第八卷鍼灸經第九第十兩卷辨論藥性蓋後人孰其舊本演以成編者也狩谷旅齋望之嘗藏一本寫手精善古香可愛云是應永中所鈔者攷應永即明洪武季年據此是書當是宋元間人所編矣萬曆中毅所黃氏所梓行卷首附葆光道人秘傳

眼科一卷每卷各以方論分篇文字多譌不易讀矣項日常陽丹墀天祥元禎示其所藏大字鈔本原亦係黃刻題曰秘傳眼科龍水集卷首不著葆光道人書

眼科龍水論

國史經籍志一卷

存

按右輯在于危代得効方第十六卷較之龍樹眼論及龍水總論全然別是為一家書

日華子鴻飛集論

一卷

存

題言曰昔有日華子北齊雁門人也幼年好遊獵一日同行數人各執弓矢出於雁門嶺南見征鴻數隻飛過墜於道傍日華子又張弓而射之群雁皆棄所舍廬去書二卷日華子收之乃覽其文是昔時皇帝岐伯問答論服證書故曰鴻飛集論

孫氏思邈銀海精微

二卷

存

四庫全書提要曰銀海精微二卷舊本題唐孫思邈撰唐宋

藝文志皆不著錄思邈本傳亦不言有是書其曰銀海者蓋取目為銀海之義蘓軾雪詩有凍合玉樓寒起粟光搖銀海眩生花句瀛奎律髓引王安石之說謂道書以肩為玉樓目為銀海銀海為目僅見于此然迄今無人能舉安石所引出何道書者則安石以前絕無此說其為宋以後書明矣前有齊一經序稱管河北道時得於同僚李氏亦不著時代年月莫知何許人也其辨析諸證頗為明晰其法補瀉兼施寒溫互用亦無偏主一格之弊方技之家率多依託但求其術之可用無庸核其書之必真本草稱神農素問言黃帝固不能一一確也此書療目之方較為可取則亦就書論書而已

亡名氏醫眼鍼方論藝文畧作醫
眼針鈎方論

崇文總目一卷

佚

陳詩庭曰宋志有鍼眼鈎方一卷註云針眼一作眼鍼不著撰人亦即此書

穆氏昌叔眼方宋志作穆昌緒療眼
方註緒一作叔

崇文總目一卷

佚

亡名氏審的眼藥歌

崇文總目三卷

佚

審的選要歌

崇文總目一卷

佚

劉氏皓眼論準的歌宋志作
審的歌

藝文畧一卷

存

審的歌發揮曰詳夫自古名人無不從學而就功據躬事理盡因事以立文須在理通方當行用若或言詞無據即不足與討論以從幼歲此道留心亦迺數世相傳豈敢妄違先哲

每逢同道皆言眼疾有七十二般及問其數名迹難言一半
今則謹按諸家眼論夙夜搜求敢推眼疾之名果有七十二
種據其疾狀患者頗多論錄為誥以貽後代又自古諸家之
眼各有條章病狀一一不同數目皆書不足或有畫作圖形
或有歌其藥性雖則救人為切詳之理未周圓遂乃按其古
今綴為歌頌名號審的歌矣庶使心念其言眼者疾狀認識
既不差錯治療必有所憑將用救人永無傷橫近見庸醫之
輩學不從師自出胸襟亂行鍼藥或即虛時便瀉實則不宜
或則醫嫩便鍼瘡痕割烙或即不省血忌觸犯人神或即誤
手太深損於榮衛因茲疼痛便致損傷鍼刀觸着五輪湯藥

亦於藏腑亦由病家無鑒信任庸醫遂使可瘥之眸永沈黑
暗忝為入子曷不慙傷故書苦口之辭發揮歌訣義理者也
按此書世久失其傳攷龍水總論七十二證方論益段
攬以歌括卷首又附審的歌發揮一篇即知係劉皓所
撰先子門人下毛木村友賢美種江都岡本椿年可久
就龍水論中錄出以還舊觀劉書於是得再現幽光矣

療小兒眼論

藝文略一卷

佚

七名氏經驗眼藥方

藝文略十卷

佚

眼論

藝文略三卷

佚

楚人劉氏豹子眼論

藝文略一卷

佚

倪氏維德原機啓微

醫藏目錄二卷

存

自序曰醫為儒者之一事不知何代而兩途之父母至親有疾者而委之他人俾他人之無親者乃操父母之生死一悞謬則終身不復平日以仁推於人者獨不能以仁推於父母也故於仁缺朋友以義合故赴其難難雖水火兵革勿顧故周其急急雖金玉粟帛弗吝或疾則曰素不審他者曰甲審遂以甲者渠者繼曰乙亦審又更乙者紛紜錯擾竟不能辨此徒能周赴於瘡痍而不能攜援於三一也故於義缺己身以愛為主飲食滋味必欲美也衣冠玩好必欲佳也嗣上續下不敢輕也疾至不識任之婦人女子也任之宗戚朋友也

任之狂巫醫卜也。至危猶不能辨藥誤病篤故於知缺夫五常之中三者云缺而不備故為儒者不可不兼夫醫也。故曰醫為儒者之一事。傷寒內傷婦女小兒皆醫通習也。又不知何代而各科之。今世知某者曰專某科。後指某者曰兼某科。又指某者曰非某科。殊不知古有扁鵲者世重老人則療老人。世重婦女則療婦女。重小兒則又重小兒。豈分異而治也。予老矣為儒者則文章政事致君澤民不復妄擬也。為醫者傷寒內傷婦女小兒頗為致力也。然論傷寒則有張仲景論內傷有李明之論。兼婦女小兒雜證者有劉守真張子和中間括之以歌詩折之以註解者。又不可以概舉也。諸書已具。

予不復更加銜鑿也。惟歎其治眼一書獨缺不全。雖雜見於諸書中且。不備不精。意以古人輕之而不為之著說耶。抑亦投者之不真。而惟受之於淺薄耶。使為醫者曰熱也風也。上焦有邪也。不為據其所自為病者曰目也。細事也。於命無擊不為重其所苦。致有不覩不見。永不其悟也。予故不自以所論為妄。竟裒集為一書。因隱符經曰。心生於物死於物。機在目。故目之曰原機。啓微嗚呼。志於同者則備也。事於異者則分也。古之同者不能以其所同而投於人。故列其所同而為受同者之軌範。事異者以才力不能同其同。竟分其所同而置之為異。以是同源分異。遂失其同。為儒為醫。為傷寒內傷。

婦女小兒者出矣噫同耶異耶反此則不同不異也予爲此書非異於目也特爲補同者之缺耳因爲之序以待識同者辯洪武三年龍集庚戌上元前二日勅山老人倪維德序

蕪州府志曰倪維真字仲賢先爲大梁人徒居吳世以醫鳴維真少受尚書於湯碧山奇其才勸之仕曰爵祿以濟物然有命焉不可律致不若紹承醫學以濟吾事於是取內經研其奧旨欣然曰醫之道盡是矣操心仁厚求謁即赴寔人抱疾求治維德投藥兼烹噐客問曰藥可宿備瓦缶亦素具予維德指室北隅蓋積數百枚晚建別墅救山自號救山老人

薛氏已原機啓微附錄

醫藏目錄一卷

存

自序畧曰眼目一科世無全書予每病焉嘗讀南齊龍樹王所著龍木論篇章簡畧其義未滿曩予承之留都獲救山老人原機啓微其詞古其論確刀圭之玄刀劑之神炮爐之精條分縷析氣運該通可謂見道分明得內經之旨予嘉之一日三復不能去手嘗採諸書中治眼方法附繡梓傳諸四方矣予將葬親卜地于救山之麓懷賢吊古廬墓丘墟無復得斯人矣斯集也陽湖祠部叙之于前茲又摘玉機微義論方

附于卷末後梓以廣其傳畢子之志而已

亡名氏七十二證眼論

文淵閣書目一部一冊某竹堂書

未見

七十二證眼科歌訣

文淵閣書目一部一冊某竹堂書

未見

眼科口訣

文淵閣書目一部一冊某竹堂書

未見

石氏光明家傳方

國史經籍志一卷

未見

顧氏鼎臣醫眼方論

國史經籍志一卷

未見

亡名氏明日至寶

國史經籍志四卷

未見

眼科捷

讀書敏求記一卷

未見

錢曾曰趙清常得此書于洪州李念襄李傳寫于道士監田
王藍章于世廟名位顯隆旋以不循道度死此蓋錄內府秘
藏本也

還睛秘論

讀書敏求記一卷

未見

錢曾曰舊鈔本不著撰人詳論目病之所由起而續之以治
之之法深心于眼科者也

顧氏可學眼科對證經驗方

國史經籍志一卷

未見

胡氏永年明目方

國史經籍志一卷

未見

張氏景隆眼目對證心法

國史經籍志一卷

未見

亡名氏眼科撥雲圖集

二卷

未見

味齋經驗眼論方

一卷

未見

按右二書見于澹生堂書目

四要集

醫藏目錄四卷

未見

彭氏用光簡易便覽眼目方

醫藏目錄四卷

未見

李氏闕名心授鴻飛仙丹辨證

醫藏目錄一卷

未見

亡名氏眼目神驗方

醫藏目錄一卷

未見

神機著略

醫藏目錄卷闕

未見

宜明眼科

未見

按右見于本草綱目

李氏藥師金鑑秘論

十二卷

未見

四庫全書提要曰金鑑秘論十二卷舊本題梁谿流寓李藥師撰不知何許人自序稱唐李靖以三等法教士故以三等法治病藥師之稱適符靖字殆亦寓名與其書分十二門皆

論醫目之法故曰金鑑蓋取佛書金鑑刮服之義也

濮氏鑪杏莊集

未見

按

亡名氏明目良方

二卷

存

饒鐸序曰愚自早歲觀書過度患目旬月遍求之醫弗能愈一日先人樂志翁謂不肖曰昔有一老軍以眼科鳴世還自遼陽曾惠書一帙寶藏久矣子何不攷是書以求其効不肖

於是展誦三復如所謂醫瘡證候輪廓根源及眼目形狀治要詩訣靡不具載遂令醫者按方用藥倏覺雙目瞭然後初聞者為之驗愕先人又喜而謂之曰是書捷効如此不可私於一己異日倘得一官當捐俸鏤板以廣其傳亦濟人利物之一端也嗚呼先人用心仁矣今不肖幸而述錄而錄亦不忘先人之命乎

龔氏 廷賢 秘授眼科百効全書

三卷

未見

袁氏 學淵 秘傳眼科七十二證全書

六卷
存

岳氏 甫嘉 眼科指迷良方

未見

按右見于醫學正印種子編附記

亡名氏秘傳明目直指

三卷

存

亡名氏眼科全書

三卷

存

王協抄刻始末述略曰余以辛卯循序入都應明經廷試候選吏部偶過京山友人秦公緒館中見案頭有眼科抄本一部披閱竟覺其有異蓋世之耑門是科者止云七十二證此則一倍有奇前序列形證後則因證配方其中或治或不治莫不條分縷晰備極精詳末又附以點洗昇煉靈藥諸方皆神妙入微詢其所自云借之同鄉黃岡今太史王涓來先生時先生尚肆業國學也其先太史安生公任淮司李時有醫者秘此書為家秘不肯輕以告人偶羅奇冤公力為之伸雪知有此書索觀之醫乃出以呈于公茲借以云報也兵燹之

後此書猶存涓來先生為之都中欲授梓而未果公緒素嬰目疾暫假攷驗因借歸館時正隆冬寒爐呵凍手錄一部涓來友岑碧甫亦手錄一部各藏行箚云

青囊完壁

七卷

存

王協序曰予曩令華亭時嘗刻眼科全書而其書所由始末已具其序中不復贅為越六年又獲抄本一部較之前刻者其論議精確證方全備蓋原本之完美者也而知前刻之未盡善雖欲拾遺補闕既出于人間而不可盡得復收遺恨

不寡矣。因切念更刻此書，以彌縫前漏。予錄較正之際，適得明人傅仁字所纂錄審視瑤函，而反覆披閱，則知傅氏全竊此書，改頭換面，錯置冠履，顛倒衣裳，且摺摭不急冗論，無用套語，而推衍排列，以眩目駭耳，埋沒前人之苦心，冒為己有，刻成庸陋之書，以欺世求名。且其凡例中有言曰：昔人載一百六十證，則失之濫；上古著七十二證，則失之簡。是函摘要刪繁，纖鉅各當，定為一百八證。云意點俐狡，獮靡所不至。殊不知故人對病施治，議證設方，垂世仁心，嚴然具在者，何有所害，刻迫削刻如此容易也。竊意無佗，蓋傅氏所獲亦殘脫抄本，而所謂一百六十證，方不具全者，故不得已虛喝大言。

以嚇人耳。試將此書較照傅氏審視瑤函，則真贋妍媸自然呈露，寧瑛辨耶。且夫此書予所目睹，前後二部俱只曰眼科書，而另無題號，且併也。作者名氏顧前代隱德君子，孜孜切切，子濟世憫民之情，不能得已，而所著作實所謂一百六十證論治術條理縷晰，備極精詳。於戲此書再出于世，而石之首瞻者，復明還光，應屈指而期爾。青囊之術，於是予可稱完璧矣。故更題青囊完璧壽梓公四方，抑彼傅氏之子，亦明李崱門世業士，名于一時者，其論說中非無一二發明，亦採取故今舍短擇長，以潤色此書，揚傳之功，以償其罪也。吁，傅氏之靈其有知，稱予為異世忠臣而已矣。康熙十二歲次甲寅。

楚蘄約菴居士王協恭男甫撰

傳氏仁宇眼科審視瑤函

六卷

存

亡名氏異按眼科

一卷

存

鄧氏苑一州亭眼科全書

一卷

存

醫籍考卷六十八

Table with 10 vertical columns and 1 header row, containing the table of contents for Volume 68.

醫籍考卷六十九

東都 丹波元胤紹翁 編

方論 四十七

張仲景口齒論

宋志一卷

佚

邵氏英俊口齒論

新唐志一卷

佚

排玉集

新唐志二卷註曰口齒方崇文總目

佚

中和先生口齒論宋志作冲和先生

崇文總目三卷

佚

廣陵正師口齒論宋志作唐王師

崇文總目一卷

佚

邴樞曰唐供奉僧普濟撰口齒玉池論

釋氏普濟口齒玉池論

崇文總目一卷

佚

亡名氏咽喉口齒方論

崇文總目一卷

佚

療口齒方

崇文總目一卷

佚

薛氏已口齒類要

醫藏目錄一卷

存

張氏宗良喉科指掌

六卷

存

彭啓豐序曰夫醫之爲類最繁其爲道甚難而于咽喉一科則尤難之難者也咽以納食喉以納氣納食者爲胃脘而通于脾從土化納氣者爲肺膈而通于心從金化金性燥其變動爲澀澀則閉塞而不仁故喉病謂之痺土性濕其變動爲泥泥則壅脹而不通故咽病謂之腫咽喉者人能知之而至其證之虛實寒熱與夫治法之攻補升降所爲剖析于毫

芒析衷于疑似者非聽音切脈辨氣察形鮮不以銖黍之差成淄澠之判即或兢兢慄慄試探揣摩遂不得當顧勢急而救之以緩傷重而救之以輕因循之害其法謬戾幾何故曰難之難者也吾郡留僊張先生素精醫理其于咽喉一科究心而深且久採輯成方參以已見條列詳細哀集成編自神氣脈理以及色之青紅紫白音之高下沉浮一一皆有註釋瞭然指掌較若列眉合諸所治之證如燈取影百無一失真濟厄之慈航拯危之寶筏其所經驗取效蓋不可勝數同人咸慙通付剞劂俾遠近之習此道者流傳其說發揮其蘊其爲功于世實也何可涯量是爲序乾隆丁丑春王三月

醫籍考卷六十九

和多田貢抄寫

